

Nruab nrab-txoj kab acyl-coenzyme A dehydrogenase (MCAD) Tsis Txaus los sis Nruab Nrab-txoj kab ketoacyl-CoA thiolase (MCKAT) (Cov kev kuaj mob tau los rau me nyuam mos: C8 thiab C8/C10 nce siab)

Daim Ntawv Qhia Txog Cov Niam Txiv

Txhua tus me nyuam mos yug nyob hauv North Carolina yuav raug kuaj kiag thaum yug los txhawm rau kuaj qee yam teeb meem fab kev noj qab haus huv uas yuav tuaj yeem kho tau yog tias kuaj pom rau thaum ntxov. Cov txiaj ntsig ntawm kev kuaj mob rau cov me nyuam mos tshiab qhia tau tias koj tus me nyuam yuav muaj qhov tsis txaus ntawm medium-chain acyl-coenzyme A dehydrogenase (MCAD) los sis Medium-chain ketoacyl-CoA thiolase (MCKAT). **Feem ntau qhov kev kuaj mob nrog C8 thiab C8/C10 yog MCAD tsis txaus.** Koj tus me nyuam mos yuav raug xa mus rau tus kws kho mob paub tshwj xeeb kom tau txais kev kuaj ntxiv kom paub tseeb.

Feem ntau yuav tsis muaj cov cim ntawm MCAD los sis MCKAT tsis txaus thaum yug los.

Qhov muaj cov MCAD tsis txaus yog dab tsi?

Qhov muaj cov MCAD tsis txaus yog ib qho mob caj ces tsawg tsawg uas tiv thaiv lub cev kom tsis txhob rhuav tshem qee cov roj fatty acids thiab siv lawv ua lub zog. Qhov no tuaj yeem ua rau cov ntshav qab zib qis (hypoglycemia) thaum tus me nyuam mos tsis tau noj mov ib ntus (yoo mov) ua rau muaj teeb meem kev noj qab haus huv loj thiab tej zaum yuav tuag tam sim ntawd. Yog kuaj pom thiab kho thaum ntxov, cov tib neeg uas muaj MCAD tsis txaus yuav ua neej nyob nrog kev noj qab nyob zoo.

Cov cim thiab cov tsos mob ntawm MCAD tsis txaus yog dab tsi?

Cov tsos mob ntawm MCAD tsis txaus yuav tsis pom thaum yug los, thiab tsis zoo ib yam rau txhua tus, cov cim thiab cov tsos mob tuaj yeem suav nrog:

- Cov ntshav qab zib tsawg
- Ntuav
- Qaug zog
- Mob qaug dab peg
- Kev nyuaj fab kev ua pa
- Coma
- Kev ploj tuag

Yuav muaj dab tsi tshwm sim tom ntej?

Kws kho mob me nyuam yaus yuav xa koj tus me nyuam mus rau ib tus kws kho mob tshwj xeeb uas kho cov me nyuam mos thiab cov me nyuam yaus uas muaj MCAD tsis txaus. Nws yog ib qho tseem ceeb rau koj tus me nyuam kom tus kws kho mob tshwj xeeb mus ntsib sai li sai tau. Txog thaum ntawd, pub koj tus me nyuam noj txhua 2-3 teev. Koj tus me nyuam tus kws kho mob yuav thov kom kuaj ntxiv kom paub tseeb tias koj tus me nyuam muaj MCAD tsis txaus.

Yuav kho tus mob MCAD li cas?

Ib tug me nyuam uas muaj MCAD tsis txaus yuav tsum noj mov ntau zaus, txhua 2-3 teev.

- Yog koj pub niam mis rau me nyuam, muab niam mis uas tau nias los yog mis mos rau me nyuam noj tom qab txhua zaus pub niam mis rau me nyuam noj.
- Hu rau koj tus kws kho mob me nyuam yaus yog tias koj txhawj xeeb txog kev pub mis rau koj tus me nyuam mos.
- **Yog tias koj tus me nyuam ntuav los yog kub taub hau, los yog koj tsis tuaj yeem tsa koj tus me nyuam kom noj mov, hu rau 911 los sis koj koj tus me nyuam mus rau chav kho mob ceev.**

Thaum koj tus me nyuam loj hlob tuaj, kev noj mov ntau zaus yog qhov tseem ceeb, tab sis lub sij hawm ntawm kev pub mis rau me nyuam noj yuav ntev dua. Cov me nyuam kawm ntawv thiab cov neeg laus uas muaj MCAD tsis txaus tsis tas yuav sawv thaum hmo ntuj los noj mov. Koj tus me nyuam tus kws kho mob yuav muab cov lus qhia txog kev tswj hwm thaum koj tus me nyuam loj hlob. Qhov tsis txaus MCAD yog ib qho mob uas yuav tshwm sim mus ib txhis, tab sis yog tias muaj kev noj zaub mov zoo thiab kev txhawb nqa kev ua neej zoo, cov me nyuam uas muaj qhov tsis txaus MCAD yuav loj hlob zoo li qub thiab ua neej noj qab nyob zoo thiab nquag ua ub ua no.

Yog xav paub ntxiv kuv yuav mus qhov twg?

Siv koj lub xov tooj lub koob yees duab los xab kees cov zauv QR hauv qab no.



[Lub Chaw Pab Cuam Muab Ntaub Ntawv Txog Kev Kuaj Nrhiav Kab Mob Rau Me Nyuam Mos Yug Tshiab](#) ↗



[Chaw Qhia Txog Kab Mob Genetic Thiab Kab Mob Tsis Tshua Muaj](#) ↗



[Pawg neeg tawm tswv yim rau cov neeg mob FOD](#) ↗



[Mayo clinic](#) ↗

